

CHUO KIKUU CHA DAR ES SALAAM
CHUO KISHIRIKI CHA ELIMU DAR ES SALAAM (DUCE)
OFISI YA RASI
S.L.P 2329 DAR ES SALAAM TANZANIA



Email: principal@duce.ac.tz

Simu: +255 22 2850975

Baruapepe: principal@duce.ac.tz

Tovuti: www.duce.ac.tz

TANGAZO KWA UMMA

**MAHITAJI YA MAFUNDI KWA AJILI YA UKARABATI WA MAJENGU NA
MIUNDOMBINU YA CHUO KISHIRIKI CHA ELIMU
DAR ES SALAAM (DUCE)**

1.0 Utangulizi

Chuo Kishiriki cha Elimu Dar es Salaam (DUCE) ni Chuo Kishiriki cha Chuo Kikuu cha Dar es Salaam kilichopo makutano ya Barabara ya Taifa na Chang'ombe katika Kitalu Na.324 na 325 Karibu na Uwanja wa Mkapa (Zamani Uwanja Mkuu wa Taifa). Chuo chetu kinatarajia kuanza kufanya ukarabati wa majengo na miundombinu mbalimbali ndani ya Chuo. Hivyo, Chuo kinakaribisha maombi kutoka kwa mafundi wa fani mbalimbali kwa ajili ya utekelezaji wa kazi hizo kwa kuzingatia maelekezo yafuatayo:-

2.0 Majengo Yanayotarajiwa Kukarabatiwa

Majengo na miundombinu inayotarajiwa kukarabatiwa ni pamoja na:

- (i) Jengo la Kituo cha Weledi cha Walimu
- (ii) Mabweni ya Wanachuo (Bweni Namba I – IV)
- (iii) Ukumbi wa Mihadhara unaojumuisha na jiko
- (iv) Shule za mazoezi za sekondari, msingi na awali
- (v) Ukumbi mkubwa wa mihadhara
- (vi) Ufungaji wa taa za sola barabarani
- (vii) Jengo la Kitivo cha Insia na Sayansi za Jamii
- (viii) Zahanati ya Chuo upande wa huduma za mama na mtoto
- (ix) Vyoo vya jumuiya (eneo la kujisomea – vimbwete)
- (x) Ukarabati wa visima vya maji vya Chuo
- (xi) Mfumo wa viashiria na vizima moto

3.0 Aina ya Mafundi Wanaohitajika Kulingana na Kazi Zinazohusika

Kutokana na kazi zinazotarajiwa kufanya, Chuo kinakaribisha maombi ya mafundi wa fani mbalimbali kama ifuatavyo:

- (i) Mfumo wa umeme na marejesho ya vifaa vya umeme;
- (ii) Mfumo wa maji safi na taka, sambamba na vifaa husika;

- (iii) Ufungaji wa mapazia;
- (iv) Ufungaji na urekebishaji wa viyoyozi;
- (v) Upigaji wa rangi wa kuta, dari, paa milango na madirisha;
- (vi) Marekebisho na upauaji wa paa;
- (vii) Matengenezo ya viti na meza za aina mbalimbali;
- (viii) Ufungaji na urekebishaji wa milango, madirisha na mbao za matangazo;
- (ix) Uwekaji wa sakafu za kawaida, terazo na marumaru;
- (x) Uchomeaji na urekebishaji wa bembea za wanafunzi, milango na madirisha;
- (xi) Ufungaji wa mfumo na miundombinu ya sola kwa taa za nje (katika sehemu za Chuo);
- (xii) Usafishaji wa kisima kirefu cha maji na matengenezo ya pampu;
- (xiii) Ufungaji wa madirisha na milango ya aluminiamu, na
- (xiv) Marekebisho ya mfumo wa viashiria na vizimia moto.

4.0 Sifa na Masharti ya Waombaji

Waombaji wanapaswa kuwa na sifa mbalimbali kama ifuatavyo:

- (i) Mwombaji awe na ujuzi wa kutosha kufanya kazi aliyoomba (cheti katika fani husika itakuwa sifa ya ziada).
- (ii) Mwombaji awe ni raia wa Tanzania mwenye umri kuanzia miaka 18. Mwombaji atapaswa kuwasilisha barua ya utambulisho kutoka uongozi wa mtaa/kijiji/eneo analoishi, picha yake ndogo (*passpot size*) na kivuli cha kitambulisho cha uraia au cha mpiga kura).
- (iii) Mwombaji awe na akaunti iliyo hai ya Benki.
- (iv) Mwombaji awe na hati yenye namba ya utambulisho wa mlipa kodi (*TIN Number*).
- (v) Mwombaji aambatishe taarifa zinazoonesha uzoefu wake katika kazi anayoiomba (Nakala za mikataba ya kazi au barua ya utambulisho wa kazi alizofanya na kuzikamilisha).
- (vi) Mwombaji atajaza gharama za ufundi tu kama zilivyofafanuliwa katika nyaraka za kazi aliyoomba zinazopatikana Chuoni hapa.
- (vii) Mwombaji atapaswa kuwasilisha tamko la kimaandishi la uadilifu.
- (viii) Mwombaji atapaswa kufika Chuoni tarehe 15, siku ya Alhamisi, 2020 ili kukagua kazi anayoomba katika majengo au miundombinu husika kabla ya kujaza nyaraka za gharama za ufundi.
- (ix) Mwombaji awe na uwezo wa kutafasiri, kusoma na kufuata michoro ya kisanifu.
- (x) Mwombaji awe tayari kufanya kazi saa za ziada na hata siku za mwisho wa juma.
- (xi) Mwombaji awe na uwezo wa kumudu utendaji wa kazi utaohusisha malipo ya ufundi kwa awamu kutegemeana na mkataba wa kazi.

5.0 Utaratibu wa Kutuma Maombi

- (i) Maombi yanayobainisha **gharama za ufundi** na viambatisho vinavyotakiwa viwekwe kwenye bahasha moja na juu ya bahasha paandikwe **KATIBU WA BODI YA ZABUNI**, (Taja eneo, kazi ama jengo unaloomba)
- (ii) Mwombaji anayetaka kuomba zaidi ya eneo moja atapaswa kuwasilisha barua zaidi ya moja akionesha maeneo anayoomba.

- (iii) Nyaraka kwa kila kazi itapatikana kwa gharama ya Shilingi elfu ishirini (Shilingi 20,000.00) katika Ofisi za Kitengo cha Kusimamia Manunuzi cha Chuo zilizoko karibu na jengo jirani na lango kuu namba mbili la kuingilia Chuoni, kuanzia tarehe 13 Oktoba, 2020 muda ni saa mbili (2:00) asubuhi hadi saa tisa na nusu (9:30) alasiri kwa siku za kazi.
- (iv) Mwisho wa kupokea maombi haya ni tarehe 20 Oktoba, 2020 siku ya Jumanne saa sita na nusu (6:30) mchana ambapo itafuatiwa na zoezi la ufunguzi wa nyaraka hizo.
- (v) Waombaji wote mnakumbushwa kuwepo siku ya ufunguzi.
- (vi) Maombi yote yawasilishwe moja kwa moja Chuoni DUCE. Chuo hiki kipo Mkabala na Uwanja wa Mkapa (Zamani Uwanja Mkuu wa Taifa).
- (vii) Mwombaji ataarifiwa kuitia namba yake ya simu na barua kwa anuani ya Posta aliyowasilisha endapo amefanikiwa kupata kazi baada ya tathmini kukamilika.

Imetolewa na Ofisi ya Rasi wa Chuo
Chuo Kishiriki cha Elimu Dar es Salaam